

選舉志

陸邑留山毓秀羅水環珠自宋及明亦既代有英賢彪炳志乘清廷文教覃敷數百年以來膺鄉薦挺南宮者更連翩接踵
駕軼前徵次若明經若例授考職并武勳功叙咸得致身抑何盛歟上君子生值文明之世上之務儀皇國下之宣職分猷
庶幾展所抱負不虛選士取人之典也志選舉

誥勅

明崇正二年封葉珠為直隸徽州府歙縣知縣羅氏為孺人授葉高標為文林郎鄭氏為孺人

勅曰朕聞子之能仕父教之忠矧其父潛德好修雖未策名於清時必邀榮典於式穀從爵而貴朕曷愛焉爾葉珠乃直
隸徽州府歙縣知縣高標之父德星瑞應處士名高孝友無間於人言詩禮有光於庭訓傾懷友善授資每篤於時髦
倒囊周貧好施不問乎生產瞻爾燕貽之慶盍膺制錦之榮是用封爾為文林郎直隸徽州府歙縣知縣揚素履之鴻
休引遐齡之鶴算

勅曰邑有循良克遵如保之訓家有賢母載開錫胤之祥非朕隆恩曷昭懿德爾羅氏乃直隸徽州府歙縣知縣葉高標
之母節門肅範令士作述聖善在躬式著斷機之教賢明若性用彰舉案之勤供滄滄以無違嘉靖好而有則是用封
爾為孺人拜天寵於龍章承日愛於象服

勅曰江南財賦甲天下而歙尤諸郡望邑號稱都會其民水輪陸輓疲於奔命久矣非得賢有司撫摩而訓定之曷有寧
宇乎爾直隸徽州府歙縣知縣葉高標昂霄偉壘空冀雋才射策彤庭合浦明珠光照乘分符巖邑河陽花署錦蒸霞
用觀游刃之奇薄試烹鮮之技拔十得五知不愧乎循良學道愛人期展抒於誦讀是用授爾階文林郎錫之勅命於
戲國家矚首科而頒天寵實異數也爾銜命而往宜竭乃心懋乃職退食善委蛇之度在公標卓異之勞朕且於爾有
顯庸焉

勅曰司牧寄命一同戴星而出披星而入遑恤乎內顧恃有賢配以主中饋而羞朱紫壯門交譎宜其免矣爾直隸徽州
府歙縣知縣葉高標妻鄭氏淑儀維則靜好孔嘉相夫子而冀饁必恭九日御窮之配調姑嫜而田荆益茂展良燕婉

陸豐縣志

選舉志

卅一

之逮微服縞於持廉頻傲鷄於匪懈是用覃恩封爾為孺人格遵圖史之規晉善山河之度

明崇正十一年改封葉珠為吏科右給事中羅氏為孺人

勅曰有味乎唐宗之獎其臣鄭澣也語其父餘慶曰澣卿之令子朕之直臣可更相賀蓋臣忠率稟嚴訓自昔然矣爾封
文林郎直隸徽州府歙縣知縣葉珠乃吏科右給事中高標之父負性淵泓砥躬岳峙樂多賢友生平慕篤緇衣願為
人兄庭戶歡諧鄂棗蚤知孺子之可教躬舉往行以為師爾其榮等探驪精窮伏鴟委筭教讓嫗老惟典墳索邱禱披
襄廉立朝務正直忠厚行及青笻之健坐觀白筆之雄是用改封爾為徵仕郎吏科給事中爾其趣駕以詣京師持籌
而商國計

勅曰稽昔母訓當以敬姜王霸之論為弘陶母誼至高封坤尚矣剉薦截髮無乃有名心乎爾封孺人羅氏乃吏科右給
事中葉高標之母淑系女貞柔稱婦順蚤蒸松柏之液凝為茯苓旋育鳳凰之雛字以鸞鴛每以節儉佐傾困之急亦
雍容高提甕之風繁昔花滿河陽業播千家之頌迄今梧連禁掖逾生五嶺之春歡洽齊眉慶徵繞膝是用仍封爾為
孺人長駐北堂之煖永飄東省之芬

明崇正二年封鄭茂桂為直隸寧國府涇縣知縣林氏為孺人授鄭洪猷為文林郎沈氏為孺人

勅曰士好修慕古窮乾不休本其志節而行之迨式穀嗣賢分符民社此亦食詩書之報矣爾鄭茂桂乃南直隸涇縣知
縣洪猷之父藹藹吉人憲憲令德性成雅淡訓戒篤於家庭心好周矜施濟急於閭里持平不憚面折舉義則以身先
猶且耽嗜圖編晚而益勵嚴勸課督父而兼師即看花縣之循吏實為鯉庭之啓佑是用封爾為文林郎南直隸寧國
府涇縣知縣綸綉丕光於林藪遐齡齊社於岡陵

勅曰家有嚴君曰父與母是以教成令子符剖專城雖詩禮之訓哉而機杼之勞固不可誣矣爾林氏乃直隸寧國府涇
縣知縣鄭洪猷之母球琳比德蘭芷含馨隆孝養於南陔不替甘鮮之致普周施於困乏無矜解推之容婦順明章聽
鷄聲而夜徹母儀聖善啓鳳宇以霄翔郎宿轉明葵星有赫是用封爾為孺人聽武城之絃歌介爾景福拜天朝之禧
翟視履其旋

勅曰郎兵出宰百里豈寵祿是為亦聊以字吾朏也有能本其誦讀蔚為撫循固朕所深嘉者爾南直隸寧國府涇縣知
縣鄭洪猷宇度崇凝才思迅爽蜚英嶺嶠霜明紫氣之鋒矯翼天門日射黃金之榜已饒具於製錦爰展足於烹鮮於

是琴高舊地隨鳴單父之絃桃種霞亭遂滿河陽之夢剛同游刃操此懸魚洵未占而有孚實隨試而輒效茲特授爾階文林郎錫之勅命於戲爾縣因涇水爲名涇之清非獨以水也蓋必有司牧起而點映之亦聞令此地者有廉諱不受私謁定兩里涇耗之稅乎殆後事之師已爾尙體子惠元元之意益蔭召棠朕所以酬爾庸不但一璽書之褒也勅曰匪懈之共與有齊之儀本相須以成其夫子戴星出入而相在爾室之賢亦彰明著績已可不旌耀之爾尙直隸寧國府涇縣知縣鄭洪猷妻沈氏柔嘉賦性貞靜持規供甘旨而婦順彌章勞宣中饋相夫子而閨儀不莠業就下帷慈惠既宜其家人勸力悉昭夫花署是用封爾爲孺人祇膺象服之榮益勵鷄鳴之警

明崇正三年贈章美爲文林郎陳氏爲孺人封黃氏爲孺人授章華國爲徵仕郎封李氏爲孺人

勅曰士獲綰綬分符已躋通顯而猶有弗竟其川者食報之豐豈曰幸致爾原任廣西梧州府蒼梧縣知縣章美乃光祿寺大官署署丞華國之父品端繩尺學富縵繡奮蹟賢科種花農畝方興樂具之歌遠抱蓼莪之痛亢宗有子式燮塵窮是用覃恩贈爾爲文林郎奉分御廩之光式振甘棠之葉

勅曰母道婦德用實相資故能彰顯勉之譽者多啓祥於後爾陳氏乃光祿寺大官署署丞章華國之母孀於吉士永其令聞佐讀勤著篝燈宜室祥開種玉年不酬德典可馳榮是用覃恩贈爾爲孺人炫扇增輝彤編改色

勅曰子之報母等於罔極若夫勸勞靡間豈以毛裏之分而遺之爾黃氏乃光祿寺大官署署丞章華國之繼母度式安貞儀昭淑慎既襄制錦之勞復矢成孤之志善承梁笱宜被絲綸是川覃恩封爾爲孺人萱庭日麗芝簡思新

勅曰凡百有位靡不以匪躬盡職矧分猷六清兼茲膳守益惟其人矣爾光祿寺大官署署丞章華國奮跡蟻序筮仕清班尙食宜勞飲冰矢志處脂膏而不染稽盈縮以咸宜夙夜庶幾在公一命亦能體國光於世業際此疏恩是用授爾階徵仕郎錫之勅命夫爾家學相承致身有本尙其式稽匪頌永彌曠曠將樂觀爾成焉欽哉

勅曰所貴乎婦道者匪第以無違明順拮据相成實裨官箴故疏榮必首及之爾光祿寺大官署署丞章華國妻李氏婦儀克謹閨訓夙嫻靜可宜家慈能逮下力謝純綺之習自甘荆布之風是用覃恩封爾爲孺人載此明綸彰茲潛德

康熙六年封黃致健爲福建汀州府歸化縣知縣贈鄭氏爲孺人封林氏爲孺人授黃易爲文林郎贈陳氏爲孺人封陳氏爲孺人

制曰資父事君臣子篤匪躬之誼作忠以孝國家弘錫類之恩爾黃致健乃福建汀州府歸化縣知縣黃易之父善積於

陸豐縣志

選舉志

三四

身祥開厥後教子著義方之訓傳家裕堂構之遺茲以覃恩封爾爲文林郎卽福建汀州府歸化縣知縣錫之勅命於戲殊榮必逮於所親寵命用光夫有子尙宏佑啓益勵忱恂

勅曰奉職在公嘉教勞之有自推恩將母宜錫典之攸隆爾福建汀州府歸化縣知縣黃易母鄭氏壽範宜家夙情承筐之媿母儀貽穀載昭畫荻之芳茲以覃恩贈爾爲孺人於戲彰淑德於不瑕式榮身服膺寵命之有赫永貫泉壙

制曰勸勞同於己出母氏鞠育之恩褒卹並於所生朝廷旌揚之典爾福建汀州府歸化縣知縣黃易繼母林氏夙嫻壺範克嗣徽音相夫則教以宜家教子而勤能奉職茲以覃恩封爾爲孺人於戲淑德藉絲綸增煥芳模與翟萸齊輝益飭母儀用箴臣誼

制曰錫類推恩朝廷之大典分猷亮采臣子之常經爾福建汀州府歸化縣知縣黃易職任在封一堪良吏清廉克彰乎庶事慈惠允著於當官慶典適逢新綸宜沛茲以覃恩授爾爲文林郎錫之勅命於戲弘敷章服之榮用勸靖共之誼欽吏勅命懋乃嘉猷

制曰恪共奉職良臣既殫厥心貞順宜家淑女爰從其貴爾福建汀州府歸化縣知縣黃易妻陳氏含章協德令儀夙著於閨闈黽勉同心內治相成於夙夜茲以覃恩贈爾爲孺人於戲龍章載煥川褒戒敬之勤翟萸欽承永作泉原之貴制曰臣子敦服勞之誼典既疏榮女士嗣淑慎之徽恩宜並茂爾福建汀州府歸化縣知縣黃易繼妻陳氏素嫻內則勸德協女箴相夫載著勤勞宜家克彰令譽茲以覃恩封爾爲孺人於戲蘋蘩繼繼式揚彤管之輝綸綉同褒勉贊素絲之德

康熙十七年七月二十七日贈原任福建汀州府歸化縣知縣黃易爲福建按察司僉事

制曰鞠躬盡瘁人臣奉職之猷酬德褒庸朝廷勸忠之典蓋靖共既昭其大則哀榮必厚厥終爾原任福建汀州府歸化縣知縣黃易奉職無愆臨難不苟身膺民社之寄克彰夙夜之勤當逆寇之陸梁遽捐軀而殉節稽諸常典宜沛馳榮茲贈爾爲福建按察司僉事於戲弘敷紫誥之華永作黃墟之賁幽靈不昧鉅典式承

康熙十七年十月初五日

皇帝遣廣東按察使司僉事管分守嶺東兵備道仇昌祚諭祭原任福建汀州府歸化縣知縣今贈按察司僉事黃易之靈曰烈士成仁齋志而歿忠臣報國捐軀以從爾黃易矢志忠貞服官敬慎值逆寇之煽亂勵臣節以彌堅方冀遐齡忽

焉長逝朕用悼焉特頒祭葬以慰幽魂爾如有知尙克飲享欽賜葬銀一百兩祭銀一十兩

康熙二十年請入鄉賢

康熙二十三年贈陳輝爲榮祿大夫林氏爲一品夫人

制曰授五兵於闔外輶輅無前錫三命於師中箕裘有後家聲不墜國典攸隆爾陳輝乃左都督管直隸紫荊關副將事陳啓明之曾祖父善以從射慶能昌緒下貽式穀爛樽俎以宣勞上溯淵源荷絲綸而彌顯茲以覃恩贈爾爲榮祿大夫左都督管直隸紫荊關副將事錫之誥命於戲重孫果毅良由述祖惟勤三世恩榮益念忠君罔斁

制曰豹畧承先積善必由累葉燕貽啓後發祥尤本闔門闡儀歷數世彌彰國典自九天特沛爾左都督管直隸紫荊關副將事陳啓明之曾祖母林氏女德無譽婦功夙愼恩勤遞衍識將種之由來似續克昌被綸衣其曷媿茲以覃恩贈爾爲一品夫人於戲百年毓慶食報遠而更榮三世地封拜命隆而加揚

贈陳祖爲榮祿大夫周氏爲一品夫人

制曰策勳疆圉遡大父之恩勳錫賚絲綸表皇朝之霽澤爾陳祖乃左都督管直隸紫荊關副將事陳啓明之祖父敬以持躬忠能啓後威宣闔外家傳輶輅之書澤沛天邊國有旂常之典茲以覃恩贈爾爲榮祿大夫左都督管直隸紫荊關副將事錫之誥命於戲我武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾左都督管直隸紫荊關副將事陳啓明之祖母周氏靈儀足式令聞攸昭振劍佩之家聲輝流奕世播絲綸之國典慶衍再傳茲以覃恩贈爾爲一品夫人於戲雀芻用光膺弘休於天闕龍章載煥錫大惠於重泉

贈陳璋爲榮祿大夫藍氏爲一品夫人

制曰寵綏國爵式嘉閥閱之勞蔚起門風用表庭闈之訓爾陳璋乃左都督管直隸紫荊關副將事陳啓明之父義方啓後穀似光前積善在躬樹良型於弓冶克家有子拓令緒於輶鈴茲以覃恩贈爾爲榮祿大夫左都督管直隸紫荊關副將事錫之誥命於戲錫策府之徽章海承恩澤荷天家之攸命永賁泉壙

制曰怙恃同恩人子勤思於將母起桓著績王朝錫類以榮親爾左都督管直隸紫荊關副將事陳啓明母藍氏七誠嫺明三遷勤篤令儀不忒早流珩璫之聲慈教有成果見干城之器茲以覃恩贈爾爲一品夫人於戲錫龍綸而煥采用

陸豐縣志

選舉志

卅五

答劬勞被象服以承休永光泉壤

授陳啓明爲榮祿大夫贈黃氏爲一品夫人

制曰簡蒐軍旅運籌參坐鎮之權筦握兵機決策贊元戎之任克宣勇力宜錫崇褒爾左都督管直隸紫荊關副將事陳啓明禦侮長才折衝壯畧虎符分統作上將之股肱鶴列森陳樹偏師之羽翼奏膚功于保障展茂烈于干城慶典欣逢殊榮用沛茲以覃恩特授爾階榮祿大夫錫之誥命於戲聲威有赫良由將帥同心綸誥生輝祇受國家上賞益勤武備永荷恩光

初任兩廣督標後營參將二任今職

制曰策府疏勳甄武臣之茂績寢門治業闡賢助之徽音爾左都督管直隸紫荊關副將事陳啓明妻黃氏毓質名閨作嬪右族插蘋采藻夙彰宜室之風說禮敦詩具見同心之雅茲以覃恩贈爾爲一品夫人於戲錫寵章於闈闈惠問常流荷嘉獎於絲綸芳聲永劬

授陳啓明爲拖沙喇哈番襲一次

制曰朕惟任賢能崇功尚德乃國家之大典乘機達會達變通權誠明哲之芳踪陳啓明爾原係兩廣督標後營參將在貴州黃草壩地方殺賊萬餘又於雲南城外殺賊近萬數由空銜授爲拖沙喇哈番准襲一次註入廣東肇慶衛

康熙二十七年五月初五日

陳啓明病故將長男陳奇謨承襲拖沙喇哈番陣亡准襲病故不准襲

康熙五十二年贈盧弘瀚爲廣西梧州府懷集縣知縣錢氏爲孀人授盧恩爲文林郎贈林氏爲孀人
制曰求治在親民之吏端重循良教忠勵資敬之忱聿隆褒獎爾盧弘瀚乃廣西梧州府懷集縣知縣加一級盧恩之父視躬淳厚垂訓端嚴業可開先式穀乃宣猷之本澤堪啓後貽謀裕作牧之方茲以覃恩贈爾爲文林郎廣西梧州府懷集縣知縣加一級錫之勅命於戲克成清白之風嘉茲報政用慰顯揚之志昭乃遺謨

制曰朝廷重民社之司功推循吏臣子凜冰淵之操教本慈闈爾廣西梧州府懷集縣知縣加一級盧恩母錢氏淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以覃恩贈爾爲孀人於戲仰酬顧復之恩勉思撫字載煥絲綸之色永賁幽潛

制曰分符百里必遴出宰之材服最三年爰重懲官之典爾廣西梧州府懷集縣知縣加一級盧恩雅擅才能克宣慈惠撫綏有要常深疾痛在己之心懷保無窮不忘顧復斯民之責茲以覃恩授爾為文林郎錫之勅命於戲前勞已茂用褒製錦之能來軫方適益勸飲冰之操

制曰良臣宣力於外效厥勤勞賢媛襄職於中膺茲寵錫爾廣西梧州府懷集縣知縣加一級盧恩妻林氏終溫且惠既靜而專綦縞從夫克贊素絲之節蘋蘩王饋爰流彤管之輝茲以覃恩贈爾為儒人於戲敬爾有官著肅雍而並美職思其內昭淑慎之遺徽

雍正十三年贈蔡世慶為懷遠將軍方氏為淑人贈蔡茂桂為懷遠將軍劉氏為淑人授蔡應舉為懷遠將軍趙氏為淑人

制曰策勳疆圉迺大父之恩勤錫類絲綸表王朝之霽澤爾江南蘇松水師鎮標右營遊擊蔡應舉之祖父蔡世慶敬以持躬忠能啓後威宣闈外家傳韜畧之書澤沛天邊國有旂常之典茲以覃恩贈爾為懷遠將軍錫之誥命於戲我武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭闈恩推大母爾江南蘇松水師鎮標右營遊擊蔡應舉之祖母方氏壺儀足式令聞攸昭振劍佩之家聲輝流奕世播絲綸之國典慶衍再傳茲以覃恩贈爾為淑人於戲翟弟用光膺弘庥於天闕龍章載煥錫大惠於重泉

制曰寵綏國爵式嘉閎闕之勞蔚起門風用表庭闈之訓爾蔡茂桂乃江西蘇松水師鎮標右營遊擊蔡應舉之父義方啓後毅似光前積善在躬樹良型於弓冶克家有子拓令緒於韜鈴茲以覃恩贈爾為懷遠將軍錫之誥命於戲錫策府之徽章洵承恩澤荷天家之休命永賁泉壤

制曰怙恃同恩人子勤思於將母赴桓著績王朝錫類以榮親爾江南蘇松水師鎮標右營遊擊蔡應舉母劉氏七誠嫻明三遷勤篤令儀不忒早流珩璫之聲慈教有成果見干城之器茲以覃恩贈爾為淑人於戲錫龍綸而煥彩用答劬勞被象服以承休永光泉壤

制曰國重干城特賚褒揚之典功高營衛式膺殊渥之施載沛榮綸用嘉懋績爾江南蘇松水師鎮標右營遊擊蔡應舉英猷克矢武力維揚撫恤師徒廣仁風於挾纜勤勞軍旅鼓壯氣於同袍闔惠攸頒徽章宜錫茲以覃恩特授爾階懷

陸 豐 縣 志 選舉志 卅六

遠將軍錫之誥命於戲幕府疏勳尙欽承夫寵澤巖廊行慶爰誕錫以恩光祇受崇褒益恢來効

制曰策府疏勳甄武臣之茂績寢門治業闡賢助之徽音爾江南蘇松水師鎮標右營遊擊蔡應舉之妻趙氏 毓質名閨作嬪右族擷蘋采藻夙彰宜室之風說禮敦詩具見同心之雅茲以覃恩封爾為淑人於戲錫寵章於闈闔惠問常流荷嘉獎於絲綸芳聲永劬

乾隆六年贈鄭應李為修職郎姚氏為八品孀人

制曰任使需才稱職志在官之美馳驅報効播功膺錫類之仁爾鄭應李乃廣東潮州府海陽縣儒學教諭鄭奇炎之父雅尙素雅尙素風長迎善氣弓冶克勤於庭訓箕裘丕裕夫家聲茲以覃恩贈爾為修職郎廣東潮州府海陽縣教諭錫之勅命於戲肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾廣東潮州府海陽縣儒學教諭鄭奇炎之母姚氏淑範宜家令儀令儀昌後早相夫而教子俾移孝以作忠茲以覃恩贈爾為八品孀人於戲賁象服之端嚴誕膺鉅典錫龍章之渙汗永播徽音

康熙六十一年贈陳廷佑為修職郎洪氏林氏為八品孀人

制曰任使需才稱職志在官之美馳驅奏效報功膺錫類之仁爾陳廷佑乃廣東肇慶府四會縣教諭陳琮之父雅尙素風長迎善氣弓冶克勤於庭訓箕裘丕裕夫家聲茲以覃恩贈爾為修職郎廣東肇慶府四會縣教諭錫之勅命於戲肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾廣東肇慶府四會縣教諭陳琮之嫡母洪氏淑範宜家令儀昌後早相夫而教子俾移孝以作忠茲以覃恩贈爾為八品孀人於戲賁象服之端嚴誕膺鉅典錫龍章之渙汗永播徽音

典永賁幽潛

康熙六十一年封高彰晉爲武德將軍許氏爲宜人

制曰寵綏國爵式嘉閔閱之勞蔚起門風用表庭闈之訓爾高彰晉乃貴州黃施營守備高華松之父義方啓後毅似光前積善在躬樹良型於弓冶克家有子拓令緒於韜鈴茲以覃恩封爾爲武德將軍貴州黃施營守備錫之誥命於戲錫策府之徽章洵承恩澤荷天家之休命永耀門閭

制曰怙恃同恩人子勤思於將母起桓著績王朝錫類以榮親爾貴州黃施營守備高華松之母許氏七誠嫻明三遷勤篤令儀不忒早流珩璫之聲慈教有成果見干城之器茲以覃恩封爾爲宜人於戲錫龍綸而煥採用答劬勞被象服以承休永膺光寵

封高華松爲武德將軍妻李氏爲宜人 制誥文缺

雍正元年封高彰晉爲中憲大夫許氏爲恭人

制曰治軍命將朝廷弘變伐之猷移孝作忠臣子著折衝之烈爾高彰晉乃三等待衛加一級高華松之父禔躬醇謹課子義方戎務夙嫻克啓箕裘之緒天休申錫川敷車服之榮茲以覃恩封爾爲中憲大夫錫之誥命於戲播徽章於天上祇受國恩邀令譽於師中益弘遠畧

制曰國重干城之寄宣威允賴乎武臣典隆綸綍之施錫類必加夫賢母爾三等待衛加一級高華松之母許氏內則素嫻令儀久若受勞兼至用昭列載之光誨育彌勤每聽鳴機之響茲以覃恩封爾爲恭人於戲勵榮名於蘭綺誌範充彰荷嘉祉於芝蘭芳規勿替

贈高文珩爲中憲大夫魏氏陳氏爲恭人 制誥文缺

雍正十三年贈高文珩爲昭勇將軍魏氏陳氏爲淑人

制曰策勳疆圉遡大父之恩勳錫賚絲綸表皇朝之霈澤爾高文珩乃廣東瓊州鎮崖州營參將高華松之祖父敬以持躬忠能啓後威宣闈外家傳韜畧之書澤沛天邊國有旂常之典茲以覃恩贈爾爲昭勇將軍錫之誥命於戲我武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾廣東瓊州鎮崖州營參將軍高華松之祖母魏氏靈儀足式令聞攸昭振劍珮之家聲輝流奕世播絲綸之國典慶衍再傳茲以覃恩贈爾爲淑人於戲翟弟用光膺弘休於天闕

陸豐縣志

選舉志

卅七

龍章載煥錫大惠於重泉

制曰宣力戎疆溯鍾祥於累葉地恩介胄廣錫類於重闈爾廣東瓊州鎮崖州營參將高華松之繼祖母陳氏範著宜家仁能裕後佑敢折衝之峇慶溢門閭顯揚毓德之休光騰綸綍茲以覃恩贈爾爲淑人於戲著彤音之芳型褒章申賁沛瓊函之濊澤泉壤遺榮

贈高彰晉爲昭勇將軍許氏爲淑人 制同前

授高華松爲昭勇將軍封李氏爲淑人

制曰布昭七德用揚常武之勳統率三軍爰重參戎之任惟茲宣力爰予酬庸爾廣東瓊州鎮崖州營參將高華松受律師中立功闈外戡戈擐矢簡蒐愈見精勤說禮敦詩方畧倍形沉果會逢慶典特畀徽章茲以覃恩特授爾階昭勇將軍錫之誥命於戲頒鸞誥於天邊旗幟耀色佐麟圖於麾下棨戟生光益奮壯猷永膺休命

制曰策府疏勳勒武臣之茂績寢門治業闡賢助之徽音爾廣東瓊州鎮崖州營參將高華松之妻李氏毓質名閨作嬪右族擷蘋采藻夙彰宜室之風說禮敦詩具見同心之雅茲以覃恩封爾爲淑人於戲錫龍章於闈闈惠問常流荷嘉獎於絲綸芳聲永劬